





長江集

榭坡藏本





賈浪仙長江集目錄

范陽

賈



島

浪仙



第一卷

古意

望山

北~~無~~廟

朝飢

哭盧仝

劍客

口號

寄遠

齋中

感秋

翫月

辭二知己

義雀行

宿懸泉驛



辯士

不欺

絕句

寓興

遊仙

枕上吟

雙魚謠

易水懷古

蚤起

客喜

寓延壽里精舍

贈智朗上人

送沈秀才

酬棲上人

見終南雪

第二卷

寄孟協律

和劉涵

懷獨孤崇魚琢

投張太祝

詠韓氏二子

送別

詣張籍韓愈

上谷送客

重酬姚少府

投孟郊

代邊將

寄劉栖楚

寄丘儒

送陳黯

送張校書季霞

寄友人

答王參

延康吟

戲贈友人

寓興

懷鄭從志

登龍興寺樓



送鄭山人

就峯公宿

劉景陽東齋

對雨

送集文上人

題岸上人閑居

遊子

寄王參

送汲鵬

第三卷

寄令狐相公

哭柏巖禪師

山中道士

就可公宿

旅遊

送鄒明府遊靈武

題藍田廳

贈王將軍

下第

寄賀蘭朋吉

憶吳處士

哭孟郊

送崔定

寄白閣默公

宿鐺司馬池上

送朱可久歸越中

送田卓入華山

送董正字常州觀侍

酬姚少府

送無可上人

送李騎曹

送烏行中

送覺興上人

寄無可上人

南池

寄貞空二上人

送貞空二上人

送裴校書



寄姚合

即事

上韓吏部

題天津橋南山

投李益

弔孟協律

送人適越

送僧遊衡岳

送路

洛陽道中寄弟

江亭晚望

送耿處士

第四卷

過唐校書書齋

送杜秀才

送天台僧

懷紫閣隱者

懷皇甫荀

秋暮

哭胡遇

送丹師歸闕中

送惟鑒法師

題李凝幽居

送韓湘

寄董武

宿贊上人房

訪李甘原居

題山寺井

無可上人相訪

送李餘及第歸

荒齋

喜賀蘭三見訪

題鏡公房

送陳判官

送唐瓌

喜唐溫琪頻至

送敷法師

寄錢庶子

原上秋居



夏夜

冬夜

送厲宗上人

寄李存穆

贈無懷禪師

寄姚主簿

題劉華書齋

送盧秀才

送姚明府

送友人遊江左

雨中懷友人

寄遠

南齋

題友人新居二首

第五卷

送雍陶入蜀

張郎中過原東居

答王秘書

送李餘

偶作

過雍秀才居

寄顧非熊

送神邈法師

送霄韻法師

送知興上人

送惠雅法師

憶吳處士

題章博士新居

留辭從叔暮

送朱兵曹

懷博陵故人

夕思

寄楊少尹

孟融逸人

晚晴見終南諸峯

宿池上

喜姚郎中迴

送鄭史

送李溟



和楊鄭州

題長江

泥陽館

送徐員外

送賀蘭上人

寄令狐相公

寄李尚書

逢舊識

崇聖寺彬公房

送李傅侍郎

別徐明府

送友人歸襄陽

送友人入蜀

送鄭少府

子規

送僧歸天台

第六卷

上樂使君

贈友人

送雍陶及第歸

謝令狐相公賜衣

送鑒周上人

送譚遠上人

新年

送姚杭州

送僧

夜集田卿宅

寄長孫棲嶠

酬厲玄

送錙式

送空公

贈紹明上人

贈弘泉上人

送宣皎上人

病起

送殷侍御

送沈鶴

懷錢孟二公

贈李金州



酬姚校書

送獨孤馬二秀才

病蟬

青門里作

盧秀才南臺

寄李翰侍御

寄令狐相公

再投李益

積雪

過楊道士居

贈僧

送友人遊塞

思遊邊友人

秋暮寄友人

寄令狐相公

和孟逸人

宿姚少府北齋

雪晴晚望

第七卷

送崔嶠

寄朱錫珪

馬戴居華山因寄

寄胡遇

送李戎

送孫逸人

寄華山僧

送李登

過郝逸人居

酬李廓

與李廓同宿

送南卓歸京

酬韓愈書問

長孫霞李溟見訪

送惟一

鄭尚書新開涪江二

首

寄喬侍郎

送去華法師

送蔡京



慈恩寺上座院

題朱慶餘所居

送黃知新

贈胡禪師

元日女道士受籙

重與彭兵曹

贈莊上人

逢僧伯陽

贈皇甫主簿遊山

宿成湘林下

喜雍陶至

酬胡遇

宿郁公房

送褚山人

寄韓湘

雨夜寄馬戴

喜無可上人回

寄毘陵徹公

送韋校書

寄劉侍御

第八卷

送穆少府

留別鄴中友人

送李校書

宿孤館

哭宗密禪師

宿山寺

送友人如邊

題竹谷上人院

京兆原作

寄江上人

送僧歸太白山

暮過山邨

鷺鷥

內道場僧弘紹

蔣亭和蔡湘川

光州王使君水亭作

留別王使君

宿姚合宅寄張司業



哭張籍

靈準上人院

寄柳舍人

送玄巖上人歸西蜀

寄宋州田中丞

送朱休歸劍南

寄長武朱尚書

送皇甫侍御

郊居即事

夜集姚合宅期可公

不至

喜李餘自蜀至

王侍御南原莊

送康秀才

送僧

送魏少府

原居即事言懷

登樓

上樂使君救康成公

昆明池汎舟

送僧

送劉知新

寄慈恩寺郁上人

送饒州張使君

觀冬設上楊尚書

第九卷

巴興作

蚤蟬

投元郎中

阮籍嘯臺

滕校書院小池

送陝府王司馬

上谷旅夜

寄無得頭陀

雙白鷺

送胡道士

寄韓潮州

酬張籍王建



逢故人彭兵曹

贈牛山人

送于中丞

送劉侍御重使江西

贈圓上人

贈李使君

酬文郁上人

訪鑿玄師姪

夜坐

送別

聞蟬感懷

夏夜上谷宿開元寺

送于總持歸京

崔卿池上鶴

田中丞高亭

友人婚楊氏催裝

酬朱侍御望月

題韋雲叟草堂

和韓愈汎南溪

方鏡

酬姚合

送靈應上人

贈丘先生

渡桑乾

夜期嘯客不至

夜集烏行中所居

贈梁浦斑竹杖

尋石甕寺上方

第十卷

秋寄題靈隱寺

黎陽寄姚合

送崔約秀才

詠懷

夏日寄高洗馬

送周判官元範赴越

送羅少府歸牛渚

題童真上人

贈溫觀主

龐少尹除太常少卿



上邠寧邢司徒

欲遊嵩岳留別李益

病鶻吟

贈僧

贈翰林

頌德上賈常侍

田將軍書院

投龐少尹

夏夜登南樓

題青龍寺

贈李文通

贈號州三堂吳郎中

送僧

三月晦日贈劉評事

送張道者

題魚尊師院

宿杜家亭子

送稱上人

楊祕書新居

聽樂山人彈易水

經蘇秦墓

題戴勝

題隱者居

哭孟東野

過京索先生墓

客思

鹽池院觀鹿

賈浪仙長江集目錄





望山

望山

望山

望山

望山

賈浪仙長江集卷第一

司戶參軍賈

島

浪



古意

碌碌復碌碌百年雙轉轂志士中夜心良馬白日足俱為不等閒誰是知音目眼中兩行淚曾弔三獻玉

南山三千里不見踰一旬冒雨時立望望之如

朋親虬龍一羽波洗蕩千萬春日日雨不斷愁

殺望山人天事不可長勁風來如奔陰靈

殺望山人天事不可長勁風來如奔陰靈



以埽浩翠寫國門。長安百萬家家張屏新。誰家最好山。我願為其鄰。

南山三北岳廟北岳廟

天地有五岳。恒岳居其北。巖巒疊萬重。詭怪浩難測。人來不敢入。祠宇白日黑。有時起霖雨。一灑天地德。神兮安在哉。永康我王國。

朝飢

市中有樵山。北舍朝無煙。井底有甘泉。釜中乃空然。我要見白日。雪來塞青天。坐聞西牀琴。凍折兩三絃。飢莫詣他門。古人有拙言。

言拙言用陶詩也。有字便不韻。

玉川死于甘露之難。長江諱之也。甘露之事。軍執死之。可也。死官而死。冤哉。諷刺深雅。

哭盧仝

賢人無官死。不親者亦悲。空令古鬼哭。更得新鄰比。平生四十年。惟著白布衣。天子未辟召。地府誰來追。長安有交友。託孤遽棄移。一作遺冢側誌石短。文字行參差。無錢買松栽。自生蒿草枝。在日贈我文。淚流把讀時。從茲加敬重。深藏恐失遺。

劍客

十年磨一劍。霜刃未曾試。今日把似一作事君。誰為不平事。

為字妙。誰為不平。便須煞却是。俠報誰有。不平與人。報誰是。賣身奴。



口號

中夜忽自起。汲此百尺泉。林木含白露。星斗在青天。

寄遠

別腸多鬱紆。豈能肥肌膚。始知相結密。不及相結疎。疎別恨應少。密離恨難祛。門前南流水。中有北飛魚。魚飛向北海。可以寄遠書。不惜寄遠書。故人在無。況此數尺身。阻彼萬里途。自非日月光。難以知子軀。

齋中

耽靜非謬為。本惟實疎索。齋中一就枕。不覺白日。落低扉。礙軒轡。寡德謝接諾。叢菊在墻陰。秋窮未開萼。所食類病馬。動影似移岳。欲駐迫逃衰。豈殊辭縷縛。已見飽時雨。應豐蔬與藥。

感秋

商氣颯已來。歲華又虛擲。朝雲藏竒峯。暮雨灑踈滴。幾蜩嘿涼葉。數蛩思陰壁。落日空館中。歸心遠山碧。昔人多秋感。今人何異昔。四序馳百年。玄髮坐成白。喧喧狗聲利。擾擾同轍迹。儻無世上懷。去偃松下石。

文語似陶

効陶

古樣



寒月破東北賈生立西南西南立倚何立一作生倚

青青杉近月有數星星名未詳諳但愛杉倚月

我倚杉為三月乃不上杉上杉難相參貽矐子

細視睛瞳桂枝剗目常有熱疾久視無煩炎以

手捫衣裳零露已濡沾久立雙足凍時向股脛

淹立久病足折兀然臍膠黏他人應已睡轉喜

此景恬此景亦胡及而我苦淫耽無異市井人

見金不知廉不知此夜中幾人同無厭待得上

頂一作頂上看未擬歸枕函一作職強步望寢齋步步情不

頂上

古樣

堪步到竹叢西東望如隔簾却坐竹叢外清思  
刮幽潛量知愛月人身願化為蟾

辭二知己

一雙千歲鶴立別孤翔鴻波島忽已暮梅一作海雨

寒濛濛離人間美彈亦與哀彈同況茲切切弄

繞彼行行躬雲飛北岳碧火思西山紅何以代

遠誠拆芳臘雪中

義雀行和朱評事

玄鳥雄雌俱春雷驚蟄餘口銜黃河泥空即翔  
天隅一夕皆莫歸曉曉遺眾雛雙雀抱仁義哺



食勞劬劬雛既遷迤飛雲閒聲相呼鶯感雀深  
恩雀媿揚不殊禽賢難自彰幸得主人書

宿懸泉驛

曉行瀝水樓暮到懸泉驛林月值雲遮山燈照  
愁寂

辯士

辯士多毀訾不聞譚已非猛虎恣殺暴未嘗啣  
妻兒此理天所感一作感下同所感當問誰求食飼雛  
禽吐出美言辭善哉君子人揚光揜瑕玼

不欺

上不欺星辰下不欺鬼神知心兩如此然後何  
所陳食魚味在鮮食蓼味在辛掘井須到流結  
交須到頭此語誠不謬敵君三萬秋

絕句

海底有明月圓於天上輪得之一寸光可買千  
里春

寓興

莫居暗室中開目閉目同莫趨碧霄路容飛不  
容步暗室未可居碧霄未可趨勸君跨仙竹一作鶴  
日下雲為衢



遊仙

借得孤鶴騎。高近金烏飛。掬河洗老一作古兒。照月生光一作嫩輝。天中鶴路直。天盡鶴一息。歸來不騎鶴。身自有羽翼。若人無仙骨。芝朮無煩食。

枕上吟

夜長憶白日。枕上吟千詩。何當苦寒氣。忽被東風吹。冰開魚龍別。天波殊路岐。

雙魚謠

詩韓職方書中以孟常州簡詩見示

天河墮雙魴。飛來庭中央。掌握尺餘雪。劈開腸。有璜見令讒。舌短烹遶鄰。舍香一得古詩字。與

玉含異藏

易水懷古

荆卿重一作量虛死。節烈書前史。我歎方寸心。誰論一時事。至今易水橋。寒風兮蕭蕭。易水流得盡。

荆卿名不消一作凋

蚤起

北客入西京。北鴈再離北。秋寢獨前興。天梭星落織。耽翫餘恬爽。顧盼輕疴力。旅途少顏盡。明鏡勸仙食。出門路縱橫。張家路最直。昨夜夢見書。張家廳上壁。



客喜

客喜非實喜。客悲非實悲。百迴信到家。未當身  
一歸。未歸常嗟愁。嗟愁填中懷。開口吐愁聲。還  
却入耳來。常恐滴淚多。自損兩目輝。鬢邊雖有  
絲。不堪織寒衣。

延壽里精舍寓居

旅託避華館。荒棲遂愚慵。短庭無繇植。珍果春  
亦濃。側廬廢局樞。織魄時卧逢。耳目乃鄽井。肺  
肝即巖峯。汲泉飲酌餘。見我閒靜容。霜蹊猶舒  
英。寒蜨斷來蹤。雙履與誰逐。一尋青瘦筇。

贈智朗禪師

上人分明見玉兔。潭底沒上人。光慘貌古來。恨  
峭發涕辭孔顏。廟笑訪禪寂室。步隨青山影。坐  
學白塔骨。解聽無弄琴。不禮有身佛。欲問師何  
之。忽與我相別。率賦贈遠言。言慙非子曰。

送沈秀才下第東歸

曲言惡者誰悅耳。如彈絲。直言好者誰刺耳。如  
長錐。沈生才俊秀。心腸無邪欺。君子忌苟合。擇  
交如求師。毀出嫉夫口。騰入禮部闈。下第子不  
取。遺才人取之。東歸家室遠。掉轡時參差。浙雲







賈浪仙長江集卷第二

寄孟協律

我有弔古泣不泣向路岐揮淚灑暮天滴著桂  
樹枝別後冬節至離心北風吹坐孤雪扉夕泉  
落石橋時不驚猛虎嘯難辱君子詞欲酬空覺  
老無以堪遠持岩堯倚角牕王屋懸清思

和劉涵

京官始云滿野人依舊閑閉扉一畝居中有古  
風還市井日已午幽牕夢南山喬木覆北齋有  
鳥鳴其閒前日遠岳僧來時與開關新題驚我



瘦窺鏡見醜顏陶情昔清淡此意復誰一作羣攀

明月山懷獨孤崇魚琢

明月常在目明月長在心在心復在目何得稀  
去尋試望明月人孟夏樹蔽岑想彼歎此懷樂  
喧忘幽林鄉本北岳外悔恨東夷深願縮地脈  
還豈待天恩臨非不渴隱秀一作季却嫌他事侵或  
云岳樓鍾來繞草堂吟當從令尹後再往步柏  
林

投張太祝

風骨高更老向春初陽葩冷冷月下韻一一落

海涯有子不敢和一聽千歎嗟身眠東北泥魂  
挂西南霞手把一枝栗往輕覺程賒水天朔方  
色暖日蒿根花達一作達閑幽棲山遣尋種藥家欲  
買雙瓊瑤慙無一木瓜

詠韓氏二子

千巖一尺壁八月十五日一作知清露墮桂花白鳥  
無虛碧

送別

丈夫未得志行行且低眉素琴彈復彈會有知  
昔知



攜新文詣張籍韓愈途中成

袖有新成詩欲見張韓老青竹未生翼一步萬里道仰望青冥天雲雪壓我腦失卻終南山惆悵滿懷抱安得西北風身願變蓬草地祇聞此語突出擎我到

上谷送客遊江湖

莫歎迢遞分何殊咫尺別江樓到夜登還見南臺月

重酬姚少府

隙月斜枕傍諷詠夏詒什如今何時節蟲虺亦

已蟄答遲禮涉傲抱疾思加澀僕本胡爲者銜肩貢客集茫然九州內譬如一錐立欺暗少此懷自明曾瀝泣量無矯一作矯勇士誠欲戈矛戢原閣期躋攀潭舫偶俱入深齋竹木合一作多畢夕風雨急俸利沐均分價稱煩噓喻百篇見刪罷一命嗟未及滄浪愚將還知音激所習

投孟郊

月中有孤芳天下聆熏風江南有高唱海北初來通容飄清冷餘自蘊襟抱中止息乃流溢推尋卻冥蒙我如雪山子渴彼偈句空畢竟獲所



實爾焉遂深衷。錄之孤燈前。猶恨百首終。一吟  
動狂機。萬疾辭頑躬。生年面未交。永夕寤輒同。  
叙詰一作詩惟君師。詎言無吾宗。余求履其跡。君曰  
可但攻。啜波腸未飽。捐險神難從。前歲曾入洛。  
差池阻從龍。萍家復從趙。雲思長縈嵩。海剗每  
可詣。長途追難窮。願傾肺腸事。盡入焦梧桐。

代邊將

持戈簇邊日。戰罷浮雲收。露草泣寒霽。夜泉鳴  
隴頭。三尺握中鐵。氣衝星斗牛。報國不拘貴。憤  
將平虜讎。

寄劉栖楚

趨走與偃卧。去就自殊分。當牕一重樹。上有萬  
里雲。離披不相顧。彷彿類人羣。友生去更遠。來  
書絕如焚。蟬吟我為聽。我歌蟬豈聞。歲暮儻旋  
歸。晤言桂氛氲。

寄丘儒

地近輕數見。地遠重一面。一面如何重。重甚珍  
寶片。自經失歡笑。幾度騰霜霰。此心鎮懸懸。天  
象因迴轉。長安秋風高。子在東甸縣。儀形信寂  
蔑。風雨豈乖閒。憑人報消息。何易憑筆硯。俱不



盡我心終須對君宴

送陳商

古道長荆棘新岐路交橫君於荒榛中尋得古  
轍行足踏聖人路貌端禪士形我曾接夜談似  
聽講一經聯翩曾數舉昨登高第各釜底絕煙  
火曉行皇帝京上客遠府遊主人須目明青雲  
別青山何日復可升一作并

送張校書季霞

從京去容州馬在船上多容州幾千里直傍青  
天涯掌記試校書未稱高詞華義往不可屈出

家如入家城市七月初熱與夏未差錢君到野  
地秋涼滿山坡南境異北候風起無塵沙秦吟  
宿楚澤海酒落桂花暫醉即還醒彼土生桂茶  
寄友人

同人半年別一別寂來音賴有別時文相思時  
一吟我常倦投跡君亦知此衿筆硯且勿棄蘇  
張曾陸沈但存舌在口當冀身遂心君看明月  
夜松桂寒森森

答王參

寸晷不相待四時互如競客思先覺秋蟲聲苦



知暝霜松積舊翠露月圓一作團如鏡詩負屬景同  
琴孤坐堂聽相期黃菊節別約紅桃徑每把式  
微篇臨風長一詠

延康吟

寄居延壽里為與延康鄰隣不愛延康里愛此里  
中人人非十年故人非九族親人有不朽語得  
之煙山春

戲贈友人

一日不作詩心源如廢井筆硯為轆轤吟詠作  
縻縷朝來重汲引依舊得清冷書贈同懷人詞

中多苦辛

寓興

真集道方至貌殊妬還多山泉入城池自然生  
渾波今時出古言在衆翻為訛有琴舍正韻知  
音者如何一生足感激世顏忽差我不得市井  
味思嚮吾巖阿浮華豈我事日月徒蹉跎曠哉  
頽陽風千載無其他

懷鄭從志

西風吹陰雪雨雪半夜收忽憶天涯人起看斗  
與牛故人別二年我意如百秋音信兩杳杳誰



云昔綢繆平明一封書寄來東北州翩翩春歸  
鳥會自為匹儔

易州登龍興寺樓望郡北高峯

郡北最高峯巉巖絕雲路朝來上樓望稍覺得  
幽趣朦朧碧煙裏羣嶺若相附何時一登陟萬  
物皆下顧

送鄭山人遊江湖

南遊衡岳上東往天台裏足躡華頂峯目觀滄  
海水

就峯公宿

河出鳥宿後螢火白露中上人坐不倚共我論  
量空殘月華晻曖遠水響玲瓏爾時無了寤茲  
宵方未窮

劉景陽東齋

松陰連竹影中有蕪落井清風此地多白日空  
自詠景陽公幹孫詩句得真景勸我不須歸月  
出東齋靜

對雨

九日不出門十日見黃菊灼灼尚繇英美人無  
消息



送集文上人遊方

來從道陵井雙木溪邊會分首芳草時遠意青  
天外此遊詣幾岳嵩華衡恒泰

題岸上人郡內閑居

靜向方寸求不居于嶂幽池開菡萏香門閉莓  
苔秋金玉重四句粃糠輕九流爐煙上喬木鐘  
磬下危樓手種一株松貞心與師儔

遊子

遊子喜鄉遠非吾憶歸廬誰知奔他山自欲蚤  
旋車朝賞暮已足圖歸願無餘當期附鵬翼未

偶方躊躇

寄山中王參

我看岳西雲君看岳北月長懷燕城南相送十  
里別別來千餘日日憶不歇遠寄一紙書數  
字論白髮

送汲鵬

淮南卧理後復逢君姓汲文彩非尋常志願期  
卓立深江東汎舟夕陽眺原隰夏夜言詩會往  
往追不及



賈浪仙長江集卷第二

卓立巖石東飛人  
紫南何野對空  
字篇白怨  
並如飄

里探眼來千餘日日對不  
想盡寄一鴛書幾

殊亦其西望  
寄山中王

賈浪仙長江集卷第三

寄令狐相公

策杖馳山驛逢人問梓州  
長江那可到行客替  
生愁

哭柏巖禪師

落覆石牀新師曾占幾春  
寫留行道影焚却坐  
禪身塔院關松雪經房  
鎖隙塵自嫌雙淚下不  
是解空人

山中道士

頭髮梳千下休糧帶瘦容  
養雛成大鶴種子作



高松白石通宵煮寒泉盡日春不曾離隱處那  
得世人逢

就可公宿

十里尋幽寺寒流數派分僧同雪夜坐雁向草  
堂聞靜語終燈燭餘生許嶠雲猶來多抱疾聲  
不達明君

旅遊

此心非一事書札若爲傳舊國別多日故人無  
少年空巢霜葉落踈牖水螢穿留得林僧宿中  
宵坐嘿然

送鄒明府遊靈武

曾宰西畿縣三年馬不肥債多憑劍與官滿載  
書歸邊雪藏行徑林風透卧衣靈州聽曉角客  
館未開扉

題皇甫荀藍田廳

任官經一年縣與玉峯連竹籠拾山果瓦餅擔  
石泉客歸秋雨後印鑠暮鐘前久別丹陽浦時  
時夢釣船

贈王將軍

宿衛爐煙近除書墨未乾馬曾金鏃中身有寶



刀癩父子同時捷。君玉畫陣看何當。爲外帥。白日出長安。

下第

下第只一作惟空囊如何住。帝鄉杏園啼百舌。誰醉在花傍。淚落故山遠。病來春草長。知音逢一作酬豈易孤。權負三湘。

寄賀蘭朋吉

往往東林下。花香似火焚。故園從小別。夜雨近秋聞。野菜連寒水。枯株簇古墳。汎舟同遠客。尋寺入幽雲。斜日扉多掩。荒田徑細分。相思蟬幾

處。偶坐蠓成羣。會宿曾論道。登高省議文。苦吟遙可想。邊葉向紛紛。

憶吳處士

半夜長安雨。燈前越客吟。孤舟行一月。萬水與千岑。島嶼夏雲起。汀洲芳草深。何當折松葉。拂石剡溪陰。

哭孟郊

身死聲名在多。應萬古傳寡妻。無子息。破宅帶林泉。塚近登山道。詩隨過海船。故人相弔後。斜日下寒天。



送崔定

未知遊子意何不避炎蒸幾日到漢水新蟬鳴  
杜陵秋江待得月夜語恨無僧巴峽吟過否連  
天十二層

寄白閣默公

已知歸白閣山遠晚晴看石室人心靜冰潭月  
影殘微雲分片滅古木落薪乾後夜誰聞磬西  
峯絕頂寒

雨後宿劉司馬池上

藍溪秋漱玉此地漲清激蘆葦聲兼雨芰荷香

遶燈岸頭秦古道亭面漢荒陵靜想泉根本幽  
崖落幾層

送朱可久歸越中

石頭城下泊北固暝鐘初江鷺潮衝起舟牕月  
過虛吳山侵越衆隋柳入唐疎日欲躬調膳辟  
來何府書

送田卓入華山

幽深足暮蟬驚覺石牀眠瀑布五千仞草堂瀑  
布邊壇松涓滴露岳月沈寥天鶴過君須看上  
頭應有仙



送董正字常州覲省

相逐一行鴻何時出磧中江流翻白浪木葉落  
青楓輕楫浮吳國絲霜下楚空春來歡侍阻正  
字在東宮

酬姚少府

梅樹與山木俱應搖落初柴門揜寒雨蟲響出  
秋蔬枯槁彰清鏡屏愚友道書刊文非不朽君  
子自相於

送無可上人

圭峯霽色新送此草堂人塵尾同離寺蛩鳴暫

別親獨行潭底影數息樹邊身終有煙霞約天  
台作近鄰

送李騎曹

歸騎雙旌遠懽生此別中蕭關分磧路嘶馬背  
寒鴻朔色晴天北河源落日東賀蘭山頂草時  
動卷帆風

送烏行中石淙一作珠別業

寒水長繩汲丁冷數滴翻草通石淙瓜硯帶海  
潮痕岳色何曾遠蟬聲尚未絲勞思當此夕苗  
稼在西原



送覺興上人歸中條山兼謁河中李司

空

又憶西巖寺秦原草白時山尋樵逕上人到雪  
房遲暮磬潭泉凍荒林野燒一作火移聞師新譯偈  
說擬對旌麾

寄無可上人

僻寺多高樹涼人憶重遊磬過溝水盡月入草  
堂秋穴螿落痕靜藏蟬柏葉稠名山思徧往蚤  
晚到嵩丘

南池

蕭條微雨絕荒岸抱清源入舫山侵塞分泉稻  
接村秋聲依樹色月影在蒲根淹泊方難遂他  
宵關夢魂

寄龍池寺真空二上人

受請終南住俱妨去石橋林中秋信絕峯頂夜  
禪遙寒草煙藏虎高松月照鷗霜天期到寺寺  
置即前朝

送真空二上人

林下中餐後天涯欲去時衡陽過有伴夢澤出  
應遲石磬踈寒韻銅餅結夜澌殷勤訝此別且



未定歸期

送裴校書

拜官從祕省署職在藩維多故長踈索高秋遠  
別離天寒泗上醉夜靜岳陽碁使府臨南海帆  
飛到不遲

丹陽精舍南臺對月寄姚合

月向南臺見秋霖洗滌餘出逢危葉落靜益衆  
峯踈冷露尋時有禪牕此夜虛相思聊悵望潤  
氣徧衣初

即事

索莫對寒燈陰雲積幾層自嗟鄰十上誰肯待  
三徵心被通人見文叨大匠稱悲秋秦塞草懷  
古漢家陵城靜高崖燒漏多幽沼冰過聲沙島  
鷺絕行石菴僧豈爲一作謂舊廬在誰言歸未曾

黃子陂上韓吏部

石樓云一別二十二三春相逐升堂者幾爲埋  
骨人涕流聞度瘴病起賀還秦曾是令勤道非  
惟卹在迤踈衣蕉縷細爽味茗芽新鐘絕滴殘  
雨螢多無近鄰溪潭承到數位秩見辭頻若箇  
山招一作中隱機忘任此身



天津橋南山中各題一句

野坐分落石

李益

山行遶菊叢

韋執中

雲衣惹不破

諸葛

秋色望來空

賈浪仙

投李益

四十歸燕字千年外始吟已將書北岳

南金

弔孟協律

才行古人齊生前品位低葬時貧賣馬遠日哭

惟妻孤冢北邙外空齋中岳西集詩應萬首物

象徧曾題

送人適越

高城滿夕陽何事欲沾裳遷客蓬蒿暮遊人道

路長晴湖勝鏡碧寒柳似金黃若有相思夢殷

勤載八行

送僧遊衡岳

心知衡岳路不怕去人稀船裏猶鳴磬溪頭自

曝衣有家從小別無寺不言歸料得逢寒住當

禪雪滿扉

送路

別我就蓬蒿日斜飛伯勞龍門流水急嵩岳片



雲高歎命無知己梳頭落白毛從軍當此去風  
起廣陵濤

洛陽道中寄弟

趨走逼流年慙經此路偏密雲埋二室積雪度  
三川生類梗萍汎悲無金石堅翻鴻有歸翼極  
目仰聯翩

江亭晚望

浩渺浸雲根煙嵐沒遠邨鳥歸沙有跡帆過浪  
無痕望水知柔性看山欲倦魂縱情猶未已迴  
馬欲黃昏

送耿處士

一餅離別酒未盡即言行萬水千山路孤舟幾  
月程川原秋色靜蘆葦晚風鳴迢遞不歸客人  
傳虛隱名

賈浪仙長江集卷第三



賈浪仙長江集卷第四

過唐校書書齋

地滿風吹竹。時時得爽神。  
聲齊雛鳥語。畫卷老僧真。  
月出行幾步。花開到四隣。  
江湖心自切。未可挂頭巾。

送杜秀才東遊

東遊誰見待。盡室寄長安。  
別後一作夜葉頻落去程。  
山已寒。大河風色渡。  
曠野燒煙殘。匣有青銅鏡。  
時將照鬢看。

送天台僧



遠夢歸華頂扁舟背岳陽寒蔬修淨食夜浪動  
禪牀雁過孤峯燒爨啼一樹霜身心無別念餘  
習在詩章

懷紫閣隱者

寂寥思隱者孤獨坐秋霖梨栗猿喜熟雲山僧  
說深寄書應不到結伴擬同尋廢寢方終夕迢  
迢紫閣心

雨夜同厲玄懷皇甫荀

桐竹遶庭匝雨多風更吹還如舊山夜卧聽瀑  
泉時磧雁來期近秋鐘到夢遲溝西吟苦客中

夕話兼思

秋暮

北門楊柳葉不覺已繽紛值鶴因臨水迎僧忽  
背雲白鬚相並出暗淚兩行分默默空朝夕苦  
吟誰喜聞

哭胡遇

天壽知齊理何曾免歎嗟祭迴一作葬時收朔雪弔後  
折寒花野水吟秋斷空山影暮斜弟兄相識徧  
猶得到君家

送丹師歸閩中



波濤路杳然衰柳洛陽蟬行李經雷電禪前漱  
島泉歸林久別寺過越未離船自說從今去身  
應老海邊

送安南惟鑒法師

講經春殿裏花遶御牀飛南海幾迴過舊山臨

老歸潮搖蠻草落月濕島松微一作觸風香損  
印沾雨磬生衣空水

既如彼一作雲水  
路迢遞往來消息稀

題李凝幽居

閑居少鄰並草徑入荒園鳥宿池邊一作中樹僧敲  
月下門過橋分野色移石動雲根暫去還來此

幽期不負言

送韓湘

挂席從中路長風起廣津楚城花未發上苑蝶  
來新半沒湖波月初生島草春孤霞臨石鏡極  
浦映邨神細響吟乾葦葦餘馨動遠蘋欲憑將一  
札寄與沃州人

寄董武

雖同一城裏少省得從容門揜園林僻日高巾  
憤慵孤鴻來半夜積雪在諸峯正憶毘陵客聲  
聲隔水鐘



宿贊上人房

塔前多是竹閑地擬栽松朱點草書疏雪平麻  
履踪御溝寒夜雨宮寺靜時鐘此室無他事來  
尋不厭重

訪李甘原居

原西居處靜門對曲江開石縫銜枯草查根上  
淨一作清落翠微泉夜落紫閣鳥時來仍憶尋淇岸  
同行采薇迴

題山寺井

沈沈百尺餘功就豈斯須汲蚤僧出定鑿新蟲

自無藏源重嶂底激翳太空隅此地如經劫涼  
潭會共枯

僻居無可上人相訪

自從居此地少有事相關積雨荒鄰圃秋池照  
遠山硯中枯葉落枕上斷雲閑野客將禪子依  
依偏往還

送李餘及第歸蜀

知音伸久屈覲省去光輝津濟逢清夜途程盡  
翠微雲當綿竹疊鳥離錦江飛肯寄書來否原  
居出甚稀



荒齋

草合逕微微終南對掩扉晚涼疎雨絕初曉遠  
山稀落葉無青地閑身著白衣朴愚猶本性不  
是學忘機

夜喜賀蘭三見訪

漏鐘仍夜淺時節欲秋分泉聒棲松鶴風除翳  
月雲踏落行引興枕石卧論文即此尋常靜來  
多祇是君

題青龍寺鏡公房

一夕曾留宿終南搖落時孤燈岡舍揜殘磬雪

風吹樹老因寒折泉深出井遲踈慵豈有事多  
失上方期

送陳判官赴天德

將軍邀入幕束帶便離家身暖蕉衣窄天寒磧  
日斜火燒岡斷葦一作草風卷雪一作平沙絲竹豐州  
有春來祇欠花

送唐環歸敷水莊

毛女峯當戶日高頭未梳地侵山影掃葉帶露  
痕書松逕僧尋廟一作藥沙泉鶴見魚一川風景好  
恨不有吾廬



別不  
原東居喜唐温琪頻至

曲江春草生紫閣雪分明汲井嘗泉味聽鐘問  
寺名墨研秋日雨茶試老僧鐺地近勞頻訪烏  
紗出送迎

送敷法師

度歲不相見嚴冬知出關孤煙寒色樹高雪夕  
陽山瀑布寺應到牡丹房甚閑南朝遺跡在此  
去幾時還

寄錢庶子

曲江春水滿北岸揜柴關祇有僧鄰舍全無物

映山樹陰終日埽藥債隔年還猶記聽琴夜寒  
燈竹屋閒

原上秋居

關西又落木心事復如何歲月辭山久秋霖入  
夜多鳥從井口出人自岳陽過倚杖聊閑望田  
家未翦禾

夏夜

原寺偏鄰近開門物景澄磬通多葉罅月離片  
雲稜寄宿山中鳥相尋海畔僧惟愁秋色至乍  
可在炎蒸



冬夜

羈旅復經冬。瓢空盎亦空。淚流寒枕上。跡絕舊山一作溪中。凌結浮萍水。雪和衰柳風。曙光雞未報。嘹唳兩三鴻。

送厲宗上人

擁策背岷峨。終南雨雪和。漱泉秋鶴至。禪樹夜猿過。高頂白雲盡。前山黃葉多。曾吟廬岳上。月動九江波。

寄李存穆

聞道船中病。似憂親弟兄。信來從水路。身去到

柴城久別長。鬚鬢相思書。姓名忽然消息絕。頻夢却還京。

贈無懷禪師

身從劫劫脩。果以此生周。禪定石牀暖。月移山樹秋。捧盃觀宿飯。敲磬過清流。不捨玄關路。教人問到頭。

寄武功姚主簿

居枕江沱北。情懸渭曲西。數宵曾夢見。幾處得書批。驛路穿荒坂。公田帶淤泥。靜基功奧妙。閑作韻清淒。鉏草留叢藥。尋山上石梯。客迴河水



漲風起夕陽低空地落連井孤村火隔溪卷簾  
黃葉落鏤印子規啼隴色澄秋月邊聲入戰鼙  
會須過縣去況是屢招攜

題劉華書齋

白日牀無塵青松栝有鱗一鷺啼帶雨兩樹合  
從春荒榭落膠切幽叢果墮榛偶來踈或數當  
暑夕勝晨露滴星河水巢重草木薪終南同往  
意趙北獨遊身渡葉司天漏驚蛩遠地人機清  
公幹疾也莫卧漳濱

送盧秀才遊潞府

雨餘滋潤在風不起塵沙邊日寡文思送君吟  
月華過山干相府臨水宿僧家能賦焉長屈他  
春宴杏花

送南康姚明府

銅章美少年小邑在南天版籍多遷客封疆接  
洞田靜江鳴野鼓發纜帶村煙却笑陶元亮何  
須憶醉眠

送友人棄官遊江左

羨君休作尉萬事且全身寰海多虞日江湖獨  
往人姓名何處變鷗鳥幾時親別後吳中使應



須訪子真

雨中懷友人

對雨思君子。嘗茶近竹幽。儒家鄰古寺。不到又

逢秋。

寄遠

家住錦水上。身征遼海邊。十書九不到。一到忽

經年。

南齋

獨自高齋卧。神閑景亦空。有山來枕上。無事到  
心中。簾卷侵牀月。屏遮入座風。望春春未至。應

在海門東

蚤春題友人湖上新居二首

近得雲中看。門長侵蚤開。到時猶有雪。行處已  
無落。勸酒客初醉。留茶僧未來。每逢晴暖日。惟  
見乞花栽。

門不當官道。行人到亦稀。故從餐後出。多是夜  
深歸。開篋收詩卷。掃牀移卧衣。幾時同買宅。相  
送有柴扉。

賈浪仙長江集卷第四



賈浪仙集卷第五

賈浪仙長江集卷第五

送雍陶入蜀

江山事若諳，那肯滯雲南。  
草色分危磴，杉陰近古潭。  
日斜褒谷鳥，夏淺舊州蠶。  
吾自疑雙鬢，相逢更不堪。

張郎中過原東居

年長惟添懶，經旬祇揜關。  
高人餐藥後，下馬此林閒。  
對坐天將暮，同來客亦閑。  
幾時能重至，水味似深山。

答王建

一本無建字

秘書



人皆聞蟋蟀我獨歎一作恨蹉跎白髮無心鑷青山  
去意多信來漳浦岸期負洞庭波時埽高槐影  
朝迴或恐過

送李餘往湖南

昔去候溫涼秋山滿一作留楚鄉今來從辟命春物  
徧潯陽岳石挂海雪野峯堆渚檣若尋吾祖宅  
寂寞在瀟湘

偶作

野步隨吾意那知是與非稔年時雨足閏月暮  
蟬稀獨樹依岡老遙峯出草微園林自有主宿

鳥且同歸

過雍秀才居

夏木鳥巢邊終南嶺色鮮就涼安坐石煮茗汲  
鄰泉鐘遠青霄半蜩稀暑雨前幽齋如昔罷約  
我一來眠

寄顧非熊

知君歸有處山水亦難齊猶去瀟湘遠不聞猿  
狖啼穴通茅嶺下潮滿石城西獨立生遙思秋  
原日漸低

送神邈法師







青楓何不種林在洞庭村應為三湘遠難移萬  
里根斗牛初過伏菟菑欲香門一作斗移亭北舊即  
湖山隱新廬葺此原

石一作門陂留辭從叔暮

幽鳥飛不遠此行千里閒寒衝陂水霧醉下菊  
花山有恥常為客無成又入關何時臨澗柳吾  
黨共來攀

送朱兵曹迴越

星彩練中見激江豈有泥潮生垂釣罷楚盡去  
墻西磧鳥辭沙至山鼉隔水啼會稽半侵海濤

白禹祠溪

懷博陵故人

孤城易水頭不忘舊交游雪壓圍棋石風吹飲  
酒樓路遙千萬里人別十三秋吟苦相思處天  
寒水急流

夕思

秋宵已難曙漏向二更分我憶山水坐蟲當寂  
寞聞洞庭風落木天姥月離雲會自東浮去將  
何欲致君

寄河中楊少尹



非惟咎曩時投刺詣門遲  
悵望三秋後參差萬里期  
禹留䟽鑿跡舜在寂寥祠  
此致杳難共迴風逐所思

孟融逸人

孟君臨水居不食水中魚  
衣褐惟麤帛筐箱祇素書  
樹林幽鳥戀世界此心踈  
擬擢孤舟去何峯又結廬

晚晴見終南諸峯

秦分積多峯連巴勢不窮  
半旬藏雨裏此日到牕中  
圓魄將昇兔一作虛欲叫鴻  
故山思不見

碣石沈寥東

宿池上

泉來從絕壑亭敞在中流  
竹密無空岸松長可絆舟  
蟪蛄潭上夜河漢島前秋  
異夕一作日期深漲攜琴却此遊

喜姚郎中自杭州迴

路多楓樹林累日泊清陰  
來去汎流水脩然適此心  
一披江上作三起月中吟  
東省期司諫雲門悔不尋

送鄭史

一作送鄭長史之嶺南



雲林頗重疊岑渚復幽竒汨水斜陽岸騷人正  
則祠蒼梧多蟋蟀白露溼江蘼擢第榮南去晨  
昏近九疑

送李漢謁宥州李權使君

英雄典宥州迢遞苦吟遊風宿驪山下月斜灞  
水流去時初落葉迴日定無秋太守攜才子看  
鵬百尺樓

永福湖和楊鄭州

積水還平岸春來引鄭溪舊渠通郭下新堰絕  
湖西嵩少分明對瀟湘闊狹齊客遊隨庶子孤

嶼草萋萋

題長江

言心俱好靜解署落暉空歸吏封宵鑰行蛇入  
古桐長江頻雨後明月衆星中若任遷人去西  
浮與剡通

泥陽館

客愁何併起暮送故人回廢館秋螢出空城寒  
雨來夕陽飄白露樹影掃青落獨坐離容慘孤  
燈照不開

送徐員外赴河中



原野正蕭瑟中閒分散情吏從甘扈罷詔許朔  
方行邊月沈殘角河關截夜城雲居閑獨住一作往  
長老出房迎

送賀蘭上人

野僧來別我略坐傍泉沙遠道擎空鉢深山踏  
落花無師禪自解有格句堪誇此去非緣事孤  
雲不定家

寄令狐綯

一本無綯字

相公

梁園趨戟節海草幾枯春風水難遭便差池未  
振鱗姓名猶語及門館阻何因苦擬修文卷重

擎獻匠人吟看青島處朝退赤墀晨根愛杉栽  
活枝憐雪霰新綴篇嗟調逸不和揣才貧蚤晚  
還霖雨滂沱洗月輪握苗方滅裂成器待陶鈞  
困坂思迴顧迷邦輒問津數行望外札絕句握  
中珍是日榮遊汴當時怯往陳鴻春乖漢爵植  
病卧漳濱岳整五千仞雲惟一片身故山離一作心  
未死秋水宿經旬下第能無恧高科恐有神罷  
耕田料廢省釣岸應榛慷慨知音在誰能淚墮  
巾

寄滄州李尚書



滄溟深絕闊西岸郭東門弋者羅夷鳥杼人思  
嶠援威稜高臘列煦育極春溫陂淀封疆內兼  
葭壁壘根搖鞞邊地脉愁箭虎狼魂水縣賣紗  
市鹽田煮海村枝條分御葉家世食唐恩武可  
縱橫講功從戰伐論天涯生月片嶼頂湧泉源  
非是泥池物方應一作雷雨尊沈謀藏未露鄰境  
帖無喧青塚驕迴鶻蕭關陷吐蕃何時霖歲旱  
蚤晚雪邦冤迢遞瞻旌燾浮陽寄詠言

逢舊識

幾歲阻干戈今朝勸酒歌美君無白髮走馬過

黃河舊宅兵燒盡新宮日奏多妖星還有角數  
尺鐵重磨

崇聖寺杉公房

近來惟一食樹下掩禪扉落日寒山磬多年壞  
衲衣白髮多一作長更剃青鬚遠還歸仍說遊南岳  
經行是息機

送李傅侍郎劍南行營

走馬從邊事新恩授外臺勇看雙節出期破八  
蠻迴許國家無戀盤江棧不推移軍刁斗逐報  
捷劍門開角咽獼猴叫輦乾霹靂來去年西甸



邑猶滯佐時才

別徐明甫一作府

抱琴非本意生事偶相縈口尚袁安節身無子

賤名地寒春雪盛山淺夕風輕百戰餘荒野千

夫漸耦耕一柘宜獨夜孤客戀交情明日疲驂

去蕭條過古城

岐下送友人歸襄陽

蹉跎隨汎梗羈旅到西州舉翮籠中鳥知心海

上鷗山光分首暮草色向家秋若更登高峴看

碑定淚流

送友人遊蜀

萬岑深積翠路向此中難欲暮多羈思因高莫

遠看卓家人寂寞揚子業凋殘惟有岷江水悠

悠帶月寒

送鄭少府

江岸一相見空憐惜此分滄陽行帶月酌水少

留君野地多燒草荒山過雪雲明年還調集蟬

可在家聞

子規

遊魂自相叫寧復記前身飛過鄰家月聲連野



路春夢邊催曉急愁處送風頻自有露花血相  
和雨滴新

送僧歸天台

辭秦經越過歸寺海西峯石礪雙流水山門九  
里松曾聞清禁漏却聽赤城鐘妙字研磨講應  
齊智者蹤

賈浪仙長江集卷第五

賈浪仙長江集卷第六

讓紀紀曹上樂使君

戰戰復兢兢猶如履薄冰雖然叨一掾還是說  
三乘瓶汲南溪水書來北岳僧驚愚兼抱疾權  
紀不相應

贈友人

五字詩成卷清新少得借不同狂客醉自伴律  
僧齋春別和花樹秋辭帶月淮却歸登第日名  
近榜頭排

送雍陶及第歸成都寧親一作觀



不唯詩著籍兼又賦知名議論於題稱春秋對  
問精半應陰隲與全賴有司平歸去峯巒衆別  
來松桂生漲江流水品當道白雲坑勿以攻文  
捷而將學劍輕製衣新濯錦開醞舊燒罌同日  
昇科士誰同膝下榮

謝令狐綯

一本無綯字

相公賜衣九事

長江飛鳥外主簿跨驢歸逐客寒前夜元戎子  
厚衣雪來松更綠霜降月彌輝即日調殷鼎朝  
分是與非

送金州鑒周上人

池必尋天目溪仍住若耶帆隨風便發月不要  
雲遮極浦浮霜雁迴潮落海查峨嵋省春上立  
雪指流沙

送譚遠上人

下視白雲時山房蓋樹皮垂一作雪枝松落子側一作佛  
頂鶴聽棋清靜從沙劫中終日未歇金光明本  
行傳侍出峨嵋

新年

嗟以龍鍾身一作貌如何歲復新石門思隱久銅鏡  
強窺頻花發新移樹心知故國春誰能平此恨



豈是北宗人

送姚杭州

白雲峯下城。日夕白雲生。人老江波釣。田侵海樹耕。吳山鍾入越。蓮葉吹搖旌。詩異石門思。濤來向越吟。

送僧

出家從壯歲。解論造玄門。不惜揮談柄。誰能聽至言。中時山果熟。後夏竹陰繁。此去逢何日。峨眉曉復昏。

夜集田卿宅

朗誦高齋下。如將古調彈。翻鴻向桂水。來雪渡桑乾。滴滴玉露曙。脩脩竹籟殘。曩年曾宿此。亦值五陵寒。

寄山友長孫栖嶠

此時氣蕭颯。琴院可應闌。鶴似君無事。風吹雨徧山。松生青石上。泉落白雲閒。有逕連嵩頂。心期相與還。

酬厲玄

我來從北鄙。子省陟西陵。白髮初相識。秋山擬共登。鄰居帝城雨。會宿御溝冰。未報見貽作。



耿然中夜興

送鑑式洛中觀省

晴峯三十六侍立上春臺同宿別離恨共看星  
月迴野鷺臨苑語河權歷江來便寄相思札緘  
封花下開  
七百里山水手中柳栗麤松生師坐石潭滌祖  
傳孟長擬老岳嶠又聞思海湖惠能同俗姓不  
是嶺南盧

贈紹明上人

未住青龍室中秋獨往年上方嵩古寺下視雨  
和煙祖豈無言去心因斷臂傳不知能已後更  
有幾燈然

贈弘泉上人

洗足下藍嶺古師精進同心知溪卉長居此玉  
林空西殿宵燈磬東林曙雨風舊峯鄰太白石  
座雨落蒙

送宣皎上人遊太白

剃髮鬢無雪去年三十三山過春草寺磬度落  
花潭得句才鄰約論宗意在南峯靈疑懶下蒼



翠太虛叅

病起

嵩丘歸未得空自責遲迴身事豈能遂蘭花又

已開病今新作少雨阻故人來燈下南華卷祛

愁當酒杯

送殷侍御赴同州

馮翊蒲西郡沙岡擁地形中條全離岳清渭半

和涇夜暮眠明月秋深至洞庭猶來交辟士事

別偃林扃

送沈鶴

家楚壻於秦攜妻去養親陸行千里外風卷一  
帆新夜泊疏山雨秋吟擣藥輪蕪城登眺作才  
動廣陵人

秋夜仰懷錢孟二公琴客會

月色四時好秋光君子知南山昨夜雨為我寄

一作清規獨鶴聳寒骨高杉韻細颺仙家縹緲弄

彷彿此中期

贈李金州

綺里祠前後山程踐白雲泝流隨大旆登岸見  
全軍曉角吹人夢秋風卷雁羣霧開方露日漢



水底沙分

酬姚合

一本無

校書

因貧行遠道得見舊交遊美酒易傾盡好詩難  
卒酬公堂朝共到私第夜相留不覺入關晚別  
來林木秋

送獨孤馬二秀才居明月山讀書

濯志俱高潔儒科慕冉顏家辭臨水郡雨到讀

書山樓鳥樓花上聲鍾磬閣閒寂寥牕戶外時

見一舟還

病蟬

病蟬飛不得向我掌中行拆翼猶能薄酸吟尚  
極清露華凝在腹塵點誤侵睛黃雀并鳶鳥俱  
懷害爾情

青門里作

鷺存鴻已過海內幾人愁欲問南宗理將歸北  
岳修若無攀桂分祇是卧雲休泉樹一為別依  
稀三十秋

盧秀才南臺

居在青門里臺當千萬岑下因崗勢助上有樹  
交陰陵遠根纔辨空長畔可尋新晴登嘯月驚



起宿枝禽

寄李軾侍御

終過盟津書分明夢不虛人從清渭別地隔太行  
餘賓幙唯嫌靜公門但晏如搗輦乾霹靂斜  
漢溼蟾蜍追琢五今後敦龐得古初井臺憐操  
築漳岸想不疏亦冀鑑珉珮終當直石渠此身  
多抱疾幽里近營居憶漱蘇門礪經浮楚澤瀦  
松栽侵古影葦斷尚芹菹語嘿曾眠接心源離  
滓淤誰言姓琴氏獨跨角生魚

寄令狐綯

一本無綯字

相公

驢駿勝羸馬東川路匪賒一緘論賈誼三蜀寄  
巖家澗澗霜江水分明露石砂話言聲及政棧  
閣谷離斜自著衣偏暖誰憂雪六花裹裳留闊  
襪防患與通茶山館中宵起星河殘月華雙僮  
前日顧數口向天涯良樂知騏驥張雷驗鑊邪  
謙光賢將相別紙聖龍蛇豈有斯言玷應無白  
璧瑕不妨圓魄裏人亦指蝦蟇

再投李益常侍

何處初投刺當時赴尹京淹留花木變然諾肺  
腸傾避暑蟬移樹登高雁過城人家嵩岳色公



府洛河聲聯句逢秋盡嘗茶看月生新衣裁白  
苧思從曲江行

積雪

昔屬時霖滯今逢臘雪多南猜飄枉諸北訝雨  
交河盡滅平蕪色弥重古木柯空中離白氣島  
外下滄波隱者迷樵道朝人冷玉珂夕繇仍晝  
密漏閒復鍾和想積高嵩頂新秋皓月過

過楊道士居

先生修道處茅屋遠囂氛叩齒坐明月搯頤望  
白雲精神含藥色衣服帶霞文無話

英華作每語

瀛洲

路多年別少君

贈僧

亂山秋木穴裏有靈虵藏鐵錫挂臨一作陵海石樓  
聞異香出塵頭未白入定衲凝霜莫話五湖事  
令人心欲狂

送友人遊塞

飄蓬多塞下君見益潜然迥磧砂銜日長河水  
接天夜泉行客火曉戍向京煙少結相思恨佳  
期芳草前

思遊邊友人



凝愁對孤燭。昨日飲離杯。葉下故人去。天中新  
雁來。連沙秋草薄。帶雪暮山開。苑北紅塵道。何  
時見遠迴。

秋暮寄友人

寥落關河暮。霜風樹葉低。遠天垂地外。寒日下  
山西。有志煙霞切。無家歲月迷。清宵話白閣。已  
負數年棲。

寄令狐綯

一本無綯字

相公

官蒙明敕授。老免把犁鋤。一主長江印。三封東  
省書。不無濠上思。唯食圃中蔬。夢幻將泡影。浮

生事只如

和孟逸人林下道情

四氣相陶鑄。中庸道豈銷。夏雲生此日。春色盡  
今朝。陋巷貧無悶。毘邪疾未調。已栽毫末柏。合  
抱豈非遙。

宿姚少府北齋

石溪同夜汎。復此北齋期。鳥絕吏歸後。蛩鳴客  
卧時。鑱成涼雨細。開印曙鍾遲。憶此漳川岸。如  
今是別離。

雪晴晚望



倚杖望晴雪溪雲幾萬重  
樵人歸白屋寒日下  
危峯野火燒岡草斷煙生石一作古松却迴山寺路  
聞打暮天鍾

賈浪仙長江集卷第六

賈浪仙長江集卷第七

送崔嶠遊瀟湘

功烈尚書孫琢磨風雅言渡河山鑿處陟險漢  
灘喧夢想吟天目宵同話石門楓林葉欲下極  
浦月清暎

寄朱錫珪

遠泊與誰同來從古木中長江人釣月野曠火  
燒風夢澤吞楚大閩山隱一作阮海叢此時檣底水  
濤起屈原通

馬戴居華山因寄



玉女洗頭盆孤高不可言瀑流蓮岳頂河注華  
山根絕雀林藏鶻無人境有猿秋蟾纔過雨石  
上古松門

寄胡遇

一自殘春別經炎復到涼螢從枯樹出蛭入破  
堦藏落葉書勝紙閑砧坐當牀東門因送客相  
訪也何妨

送李戎扶侍往壽安

二千餘里路一半是波濤未曉著衣起出城逢  
日高關山多寇盜扶侍帶弓刀臨別不揮淚誰

知心鬱陶

送孫逸人

衣屨猶同俗妻兒亦宛然不飧能累月無疾一作病  
已多年是藥皆諳性令人漸信仙杖頭書數卷  
荷入翠微煙

寄華山僧

遙知白石室松柏隱朦朧月落看心次雲生閉  
目中五更鍾隔岳萬尺水懸空落蘚嵌巖所依  
稀有境通

送李登少府



伊陽耽酒尉朗詠醉醒新應見嵩山裏明年躑  
躅春一千尋樹直三十六峯鄰流水潺潺處堅  
貞玉礪珉驗開母萬尺水銀空昔蘇海海流於  
盤映白易州過郝逸人居凡名香心之雲土開  
每逢詞翰客邀我共尋君果見閑居賦未曾流  
俗聞也知鄰市井宛似出塵一作氛却笑巢由輩  
何須隱白雲昔南州今入海計山好願書幾卷  
稍憐公事退復遇夕陽時北朔霜凝竹南山水  
入籬吟懷滄海侶空問白雲師恨不相從去心

惟野鶴知

淨業寺與

前一本有鄆縣二字

李廓少府同宿

來從城上峯京寺暮相逢往往語復默微微雨  
灑松家貧初罷吏年長畏聞蛩前日猶拘束披  
衣起曉鍾貧同來二閣入世念事理事計卦卦

送南卓歸京

自紫閣白閣二峯見姑

殘春別鏡陂罷郡未霜鬢行李逢炎暑山泉滿  
路岐雲藏巢鶴樹風觸囀鶯枝三省同虛位雙  
旌帶去思入城宵夢後待漏月沈時長策并忠  
告從容寫玉墀一作池



古詩容卧疾走筆酬韓愈書問

一卧三四旬數書惟獨君願為出海月不作歸  
山雲身上衣裳子與甌中物亦分欲知強健否病  
鶴未離羣

長孫霞李溟自紫閣白閣二峯見訪

寂寞吾廬貧同來二閣人所論唯野事招作住  
雲鄰古寺期秋宿平林散蚤春漱流今已矣巢  
許豈堯臣

送惟一遊清涼寺

去有巡臺侶荒溪衆樹分瓶殘秦地水錫入晉

山雲秋月離喧見寒泉出定聞人閒臨欲別旬  
日雨紛紛

鄭尚書新開涪江二首

岸鑿青山破江開白浪寒日沈源出海春至草  
生灘梓匠防波溢蓬仙畏水乾從今疏決後任  
雨滯峯巒

不侵南畝務已拔北江流涪水方移岸潯陽有  
到舟潭澍初擣藥波動乍垂鈎山可疏三里惟

一作應一作歷億秋

寄喬侍郎



大寧猶未到曾渡北浮橋曉出爬船寺手擎紫  
栗條差池不相見悵望至今朝近日營家計繩  
懸一小瓢

送去華法師

在越居何寺東南水路歸秋江洗一鉢寒日曬  
三衣默聽鴻聲盡行看葉影飛囊中無寶貨船  
戶夜扃稀

送蔡京

躍蹄歸魯日帶漏別秦星易折芳條桂難窮遠  
義經登封多秦岳巡狩徧滄溟家在何林下梁

山翠滿庭

慈恩寺上座院

未委衡山色何如對塔峯曩宵曾宿此今夕值  
秋濃羽族棲煙竹寒流帶月鍾井甘源起異泉  
湧漬落封

題朱慶餘所居

天寒吟竟曉古居星丸生松寄信船一隻隔鄉山  
萬重樹來沙岸鳥牕度雪樓鍾每憶江山嶼更  
看城上峯

送黃知新歸安南



池亭沈飲徧非獨。曲江花地遠路穿。海春歸冬  
到家火山難下雪。瘴土不生茶。知決移來計相  
逢期尚賒。  
自是根機鈍。非關夏臘深。秋來江上寺。夜坐嶺  
南心。井鑿山含月。風吹磬出林。祖師遺一作攜隻履  
去路杳難尋。

元日女道士受籙

元日天新夜。齋身稱淨衣。數星連斗出。萬里斷  
雲飛。霜下磬聲在。月高壇影微。立聽師語了。右

肘繫符歸

重與彭兵曹

故人在城裏。休寄海邊書。漸去老不遠。別來情  
豈踈。硯冰催臘日。山雀到貧居。羨有平戎策。一作計  
官蒙別敕書。

贈莊上人

不語焚香坐。心知道已成。流年衰此世。定力見  
他生。暮雪餘春冷。寒燈續晝明。尋常五侯至。敢  
望下階迎。

落第東歸逢僧伯陽



相逢須語笑人世別離頻曉至一作長侵月思鄉  
動隔春見僧心暫靜從俗事多迤宇宙詩名小  
山河客路新翠桐猶入爨清鏡未辭塵逸足思  
奔驥隨羣且退鱗宴乖紅杏寺愁在綠楊津老  
病難為樂開眉賴故人

皇甫主簿期遊山不及赴

休官匹馬在新意入山中更住應難遂前期恨  
不同集蟬落樹僻留落雨堂空深夜誰相訪惟  
當清淨翁

宿成湘林下

相訪夕陽時千株木未衰石泉流出一作幽谷山雨  
滴棲鴉漏向燈聽數君因客寢遲今宵不盡興  
更有月明期

喜雍陶至

今朝笑語同幾日百憂中鳥度劍門靜蠻歸瀘  
水空步霜吟菊畔待月坐林東且莫孤此興勿  
論窮與通

酬胡遇

麗句傳人口功名立可圖移居見山燒買樹帶  
巢鳥遊遠風濤急吟清雪月孤却思初識面仍



未有多鬚

宿慈恩寺郁公房

病身來寄宿自埽一牀閑  
反照臨江磬新秋過  
兩山竹陰移冷月荷氣帶禪關  
獨往天台意方從內請還

送褚山人歸日東

懸帆待秋色去日杳冥閒  
東海幾年別中華此日還  
岸遙生白髮波盡露青山  
隔水相思在無書也是閑

寄韓湘

過嶺行多少潮州漲

一作瘴

滿川花開南去後水凍

北歸前望鷺吟登閣聽猿淚  
滴船相思堪面語

一作話不著尺書傳

兩夜寄馬戴

芳林杏花樹花落子西東  
今日曲江雨寒催朔北風  
鄉書滄海絕隱路翠通微  
寂寂相思處

一作際

孤缸殘漏中

喜無可上人遊山回

一食復何如尋山無定居  
相逢新夏滿不見半年餘  
聽話龍潭雪休傳鳥道書  
別來還似舊白



髮日高梳

寄毘陵徹公

身依吳寺老黃葉幾迴看蚤講林霜在孤禪隙

月殘井通潮浪遠鍾與角聲寒已有南遊約誰

言禮謁難

李瓊校書

賓佐兼歸覲此行江漢心別離從闕下道路向

山陰孤嶼消寒沫空城滴夜霖若耶溪畔寺秋

色共誰尋

寄劉侍御

衣多落蘚痕猶擬更趨門自夏雖無病經秋不  
過原積泉留岱雁疊岫隔巴猿琴月西齋集如  
今豈復言

賈浪仙長江集卷第七



賈浪仙長江集卷第八

送穆少府知眉州

劍門倚清漢君昔未曾過日暮行人少山深異  
鳥多狖啼和峽雨棧盡到江波一路白雲裏飛  
泉灑薜蘿

二月晦留別鄴

一作鄴

中友人

立馬柳花裏別君當酒酣春風漸向北雲雁不  
飛南明曉日初一今年月又三鞭羸去暮色遠  
岳起煙嵐

送李校書赴吉期



筮筭重重吉。良期詎可遷。不同牛女夜。是配鳳皇年。佩玉春風裏。題章蠟燭前。詩書與箴訓。夫哲又妻賢。

宿孤館

落日投村戍。愁生爲客途。一作春山晴後綠秋一作寒月夜來孤。橘樹千株在。漁家一半無。自知風水靜。舟繫岸邊蘆。

哭宗密禪師

鳥道雪岑巔。師亡誰去禪。几塵增滅後。樹色改生前。層塔當松吹。殘踪傍野泉。唯嗟聽經虎。時到壞菴邊。

宿山寺

衆岫聳寒色。精廬向此分。流星透疎木。走月逆行雲。絕頂人來少。高松鶴不羣。一僧年八十。世事未曾聞。

送友人如邊

去日重陽後。前程菊正芳。行車輾秋岳。落葉墮寒霜。雲入漢天白。風高磧色黃。蒲輪待恐晚。求薦向諸方。

題竹谷上人院



禪庭高鳥道迴望極川原  
樓逕連峯頂石泉通  
竹根木深猶積雪山淺未聞  
猿欲別塵中苦願  
師貽一言

京兆原作

登原見城闕策蹇思炎天  
日午路中客槐花風  
處蟬遠山秦木上清渭  
漢陵前何事居人世皆  
從名利牽

寄江上人

紫閣舊房在新家中岳東  
煙波千里見一作隔消息  
一朝通寒日汀洲路秋  
晴島嶼風分明杜陵葉

別後雨一作經紅

送僧歸太白山

堅冰連夏處太白接青天  
雲塞石房路峯明雨  
外巔夜禪臨虎穴寒漱  
撒龍泉後會不期日相  
逢應信緣

暮過山邨

數里聞寒水山家少四鄰  
怪禽啼曠野落日恐  
行人初月未終夕邊烽  
不過秦蕭條桑柘外煙  
火漸相親

鷺鷥



求魚未得食沙岸往來行島月獨棲影暮天寒  
過聲墮巢因木折失侶遇弦驚頻向煙霄望吾  
知爾去程

麟德燃香請長安春幾回夜閑同象寂晝定爲  
吾開講罷松根老經浮海水來六年雙足履只  
步院中落

蔣亭和蔡湘川

一作州

蔣宅爲亭榭蔡城東郭門潭連秦相井松老漢  
朝根已積蒼落徧何曾舊逕存高齋無事後時

復一攜樽

光州王建使君水亭作

楚水臨軒積澄鮮一畝餘柳根連岸盡荷葉出  
萍初極浦清相似幽禽到不虛夕陽庭際眺槐  
雨滴稀踈

留別王光州

一作光州王使君

杜陵千里外期在末秋歸既見林花落須防木  
葉飛楚從何地盡淮隔數峯微迴首餘霞失斜  
陽照客衣

宿姚合宅寄張司業籍

一本無籍字



閑宵因會集柱史話先生身愛無一事心期往  
四明松枝影搖動石磬響寒清誰伴南齋宿月  
高霜滿城  
精靈歸恍惚石磬韻曾聞即日是前古誰人耕  
此墳舊遊孤擢遠故域九江分本欲蓬瀛去食  
芝御白雲

靈準上人院

拚扉當太白臘數等松椿禁漏來遙夜山泉落  
近鄰經聲終卷曉草色幾芽春海內知名士交

遊準

一作湯

上人

寄柳舍人宗元

一本無宗元二字

格與功俱造何人意不降一宵三夢柳孤泊九  
秋江擢第名重列冲天字幾雙誓為仙者僕側  
執馭風幢

送玄巖上人歸西蜀

玉壘山中寺幽深勝概多藥成彭祖擣頂受七  
輪摩去臘催今夏流光等逝波會常依糞埽五  
岳徧頭陀

寄宋州田中丞



古郡近南徐關河萬里餘相思深夜後未答去  
秋書自別知音少難忘識面初舊山期已久門  
揜數畦蔬

送朱休歸劍南

劍南歸受賀太學賦聲雄山路長江岸朝陽十  
月中芽新抽雪茗枝重集猿楓卓氏琴臺廢深  
蕪想徑通

寄長武朱尚書

不日即登壇旗槍一萬竿角吹邊月沒鼓絕爆  
雷殘中國今如此西荒可取難白衣思請謁徒

步在長安

送皇甫侍御

曉鍾催蚤朝自是赴嘉招舟泊襄江闊田收楚  
澤遙雁驚起衰草猿渴下寒條來使黔南日時  
應問寂寥

郊居即事

住此園林久其如未是家葉書傳野意簷簷溜煮  
茶雨後逢行鷺更深聽遠蛙自然還往裏多  
是愛煙霞

夜集姚合宅期可公不至



公堂秋雨夜已是念園林何事疾病日重論山  
水心孤燈明臘後微雪下更深釋子乖來約泉  
西寒磬音

喜李餘自蜀至

迢遞岷峨外西南驛路高幾程尋嶮棧獨宿聽  
寒濤白鳥飛還立青猿斷更號往來從此過詞  
體近風騷

王侍御南原莊

買得足雲地新栽藥數窠峯頭盤一逕原下注  
雙河春寺閑眠久晴臺獨上多南齋宿雨夜一作後

仍許重來麼

送康秀才

俱爲落第年相識落花前酒瀉兩三觥詩吟十  
數篇行岐逢塞雨嘶馬上津船樹影高堂下迴  
時應有蟬

送僧

此生披衲過在世得身閑日午遊都市天寒往  
華山言歸文字外意出有無閒仙掌雲邊樹巢  
禽時出關

送魏少府



來時乖面別終日使人慚易記卷中句難忘燈  
下談濕落黏樹瘦瀑布濺房菴音信如相惠移  
居古井南

原居即事言懷贈孫員外

出入土門偏秋深石色泉逕通原上草地接水  
中蓮采茵依餘枿拾薪逢刈田鑷掃白髮斷兵  
阻尺書傳避路來華省抄書上彩箋高齋久不  
到猶喜未經年

登樓

秋日登樓望涼風吹海初山川明已久河漢沒

無餘遠近涯寥<sup>夏</sup>高低中太虛賦因王閣筆思  
此謝遊踪

上樂使君救康成公

曾夢諸侯笑康囚議脫枷干根池裏藕一朶火  
中花

昆明池汎舟

一枝青竹榜汎汎綠萍裏不見釣魚人漸入秋

塘水

送僧

大內曾持論天南化俗行舊房山雪在春草岳



陽生曉了蓮經義堪任寶蓋迎王侯皆護法何  
寺講鍾鳴

韻木

送劉知新往襄陽

此別誠堪恨荆襄是舊遊眼光懸欲落心緒亂  
難收花木三層寺煙波五相樓因君兩地去長  
使夢悠悠

曾志

寄慈恩寺郁上人

中秋期夕望虛室省相容北斗生清漏南山出  
碧重露寒鳩宿竹鴻過月圓當作懸鍾此夜情應切  
衡陽舊住峯

送饒州張使君

終南雲雨連城闕去路江西一作西江白浪頭滁上郡  
齋離昨日鄱陽農事勸今秋道心生向前朝寺  
文思來因靜夜樓借問泊帆干謁者誰人曾聽  
峽猿愁

觀冬設上東川楊尚書

匏革奏冬非獨樂軍城未曉啓重門何時入去  
一作去入三台貴此日空知八座尊羅綺舞時收雨點  
貔貅閱外卷雲根逐遷屬吏隨賓列去權扁舟  
不忘恩



賈浪仙長江集卷第八

曉草春交非歸樂地未測終直口前入去  
曉草春交非歸樂地未測終直口前入去  
曉草春交非歸樂地未測終直口前入去

文慈來國補亦對詩開中賜干雷濟華人曾  
文慈來國補亦對詩開中賜干雷濟華人曾

飛南雲百鳥對關去祖或西白影應卻土  
飛南雲百鳥對關去祖或西白影應卻土

巴興

賈浪仙長江集卷第九

巴興

三年未省聞鴻叫九月何曾見草枯寒暑氣均  
思白社星辰位正憶皇都蘇卿持節終還漢葛  
相行師自渡瀘鄉味朔山林果別北歸期挂海  
帆孤盡日半聯吟

蚤蟬

蚤蟬孤抱芳槐葉噪向殘陽意度秋也任一  
聲催我老堪怜一作聽兩耳畏吟休得非下第無高韻  
須是青山隱白頭若問此心嗟歎否天人不可



怨而尤

投元郎中

心在瀟湘歸未期卷中多是得名詩高臺聊望

清秋色片水堪

一作雖

留白鷺鷥省宿有時聞急雨

朝迴盡日伴禪師舊文去歲曾將獻蒙與人來

說始知

阮籍嘯臺

如聞長嘯春風裏荆棘叢邊訪舊蹤地接蘇門

山近遠荒臺突兀抵高峯

滕校書使院小池

小池誰見鑿時初走水南來十里餘樓上日斜  
吹暮角院中人出鎖遊魚

送陝府王司馬

司馬雖然聽曉鍾尚猶高枕恣踈慵請詩僧過  
三門水賣藥人歸五老峯移舫綠萍深處息登  
樓涼夜此時逢杜陵惆悵臨相一作岐錢未寢月前  
多屐蹤

上谷旅夜

世難那堪恨旅遊龍鍾更是對窮秋故園千里  
數行淚鄰杵一聲終夜愁月到寒牕空皎晶風



長江詩九  
翻落葉更颼颼此心不向常人說倚識平津萬  
戶侯

寄無得頭陀

夏臘今應三十餘不離樹下塚閒居貌堪良匠  
描毫寫行稱高僧續傳書落澗水聲來遠遠當  
空月色自如如白衣只在青門裏心每相親跡  
且踈

崔卿池上雙白鷺

鷺雛相逐出深籠頂各有絲莖數同灑石多霜  
移足冷隔城遠樹挂巢空其如盡在灘聲外何

似雙飛浦色中見此池塘一作潭卿自鑿清冷太液  
底潛通

送胡道士

短褐身披滿漬落靈溪深處觀門開却從城裏  
攜琴去許到山中寄藥來臨水古壇秋醮罷宿  
松幽鳥夜飛迴丹梯願逐真人上日夕歸心白  
髮催

寄韓潮州愈

此心曾與木蘭舟直到天南湖一作潮水頭隔嶺篇  
章來華岳出關書信過瀧流峯懸驛路殘雲斷



海浸城根老樹秋一夕瘴煙風卷盡月明初上  
浪西樓

酬張籍王建

踈林荒宅古坡前久住還因太守憐漸老更思  
深處隱多閑數得上方眠鼠拋貧屋收田日雁  
度寒江擬雪天身事龍鍾應是分水曹芸閣枉  
來篇

逢博陵故人彭兵曹

曲陽分散會京華見說三年住海涯別後解餐  
蓬纍子向前未識牡丹花偶逢日者教求祿終

傍泉聲擬置家踏雪攜琴相就宿夜深開戶斗  
牛斜

贈牛山人

二十年中餌茯苓致書半是老君經東都舊住  
商人宅南國新修道士亭鑿石養蜂休買蜜坐  
山秤藥不爭星古來隱者多能卜欲就先生問  
丙丁

送于中丞使回紇冊立

君立天驕發使車冊文字字著金書漸過青塚  
鄉山盡欲達皇情譯語初調角寒城邊色動下



霜秋磧雁行踈旌旗來往幾多日應向途中見  
歲除

送劉侍御重使江西

當時苦熱遠行人石壁飛泉濺馬身又到鍾陵  
知務大還浮溢浦屬秋新蚤程猿叫雲深極宿  
館禽驚葉動頻前者已聞廉使薦兼言有畫靜  
邊塵

贈圓上人

誦經千紙得爲僧塵尾持行不拂蠅古塔月高  
開池水新壇日午見燒燈一雙童子澆紅藥百

八真珠貫彩繩且說近來心裏事讎仇相對似  
親朋

處州李使君改任遂州因寄贈

庭樹幾株陰入戶主人何在客聞蟬鑰開原上  
高樓鎖瓶汲池東古井泉趨靜野禽一作僧曾後到  
休吟鄰叟始安眠仙都山水誰能憶西去風濤  
書滿船

酬慈恩寺文郁上人

袈裟影入鏡一作禁池清猶憶鄉山近赤城籬落罅  
閒寒嶰過莓落石上晚蛩行期登野閣閑應甚



阻宿幽房疾未平聞說又尋南岳去無端詩思  
忽然生

訪鑒玄師姪

維摩青石講初休緣訪親宗到普州我有軍持  
憑弟子岳陽溪裏汲寒流木蘭頭對西去風高  
西對巖夜坐  
蟋蟀漸多秋不淺蟾蜍已沒夜應深三更兩鬢  
幾枝雪一念雙峯四祖心

送別

門外便伸千里別無車不得到河梁高樓直上

百餘尺今日為君南望長

聞蟬感懷

新蟬忽發最高枝不覺立聽無限時正遇友人  
來告別一心分作兩般悲

夏夜上谷宿開元寺

詩成一夜月中題便卧松風到曙雞帶月時聞  
山鳥語郡城知近武陵溪

送于總持歸京

出家初離一作隸何方寺上國西明御水東卻見舊  
房堦下樹別來二十一春風



崔卿池上鶴

月中時叫葉紛紛不異洞庭霜夜聞翎羽如今  
從放長猶能飛起向孤雲

田中丞高亭

高亭林表迥嵯峨獨坐秋宵不寢多玉兔玉人  
歌裏出白雲雖是一作似莫相和

友人婚楊氏催裝

不知今夕是何夕催促陽臺近鏡臺誰道芙蓉  
水中種青銅鏡裏一枝開

酬朱侍御望月見寄

他寢此時吾不寢近秋三五月逢晴相思唯有  
霜臺月望盡孤光見却生

題韋雲叟草堂

新起此堂開北牕當牕山隔一重江白茅草苦  
重重密愛殺秋天夜雨淙

和韓吏部汎南溪

溪裏晚從他一作池岸出石泉秋急夜深聞木蘭船  
共山人上月映渡頭零落雲

方鏡

背如刀截機頭錦面似升量澗底泉銅雀臺南



秋日得照來照去已三年

酬姚合

黍穗豆苗侵古道晴原午後蚤秋時故人相憶  
僧來說楊柳無風蟬滿枝

送靈應上人

遍參尊宿遊方久各岳竒峯問此公五月半閒  
看瀑布青城山裏白雲中

贈丘先生

常言吃藥全勝飯華岳松邊采茯苓不遣鬚鬢  
一莖白擬為白日上昇人

渡桑乾

元和御覽載此

客舍并州已十霜歸心日夜憶咸陽無端更渡  
桑乾水却望并州是故鄉

夜期嘯客不至

逸人期宿石床中遣我開扉對晚空不知何處  
嘯秋月閑著松門一夜風

夜集烏行中所居

環鑪促席復持杯松院雙扉向月開坐上同聲  
半先達名山獨入此心來

贈梁浦秀才斑竹拄杖



妙得竹杖之理結  
根石上則瘦勁節  
密紅班少則實而  
有筋堪杖也

揀得林中最細枝結根石上長身遲莫嫌滴瀝  
紅斑少恰一作是湘妃淚盡時

尋石甕寺上方

野寺入時春雪後崎嶇得到此房前老僧不出  
迎朝客已住上方三十年

賈浪仙長江集卷第九

賈浪仙長江集卷第十

蚤秋寄題天竺靈隱寺

峯前峯後寺新秋絕頂高牕見沃州人在定中  
聞蟋蟀鶴從棲處挂獼猴山鐘夜度空江水汀  
月寒生古石樓心憶懸帆身未遂謝公此地昔  
年遊

黎陽寄姚合

魏都城裏游從熟才子齋中止泊多去日綠楊  
垂紫陌歸時白草夾黃河新詩不覺千迴詠古  
鏡重一作曾經幾度一作番磨惆悵心思滑臺北滿杯濃



酒與愁和

送崔約秀才

歸寧髮髯三千里月向船牕見幾宵野鼠獨偷

高樹果前山漸見短禾苗更深柵鎖淮波疾葦

動風生雨氣遙重入石頭城下寺南朝杉老未

乾焦

詠懷

縱把書看未省勤一生生計祇長貧可能在此

無成事不覺離家作老人中岳深林秋獨往南

原多草夜

一作先

無鄰經年抱疾誰來問野鳥相過

啄木頻

夏日寄高洗馬

三十年來長在客兩三行淚忽然垂白衣蒼鬢

經過懶赤日朱門偃息遲花發應耽新熟酒草

顛還寫蚤朝詩不緣馬死西州去畫角堪聽是

曉吹

送周判官元範赴越

原下相逢便別離蟬鳴關路使迴時過淮漸有

懸帆興到越應將墜葉期城上秋山生菊蚤驛

西寒渡落潮遲已曾幾徧隨旌旆去謁荒郊大



禹祠

送羅少府歸牛渚

作尉長安始三日一作月忽思牛渚夢天台楚山遠

色獨歸去灞水空流相送迴霜覆鶴身松子落

月分螢影石房開白雲多處應頻到寒澗泠泠

漱古落

題童真上人

江上修持積歲年灘聲未擬住潺湲誓從五十

身披衲便向三千界坐禪月峽青城那有滯天

台廬岳豈無緣昨宵忽夢遊滄海萬里波濤在

目前

贈溫觀主

一別羅浮竟未還觀深廊古院多關君來幾日

行虛洞仙去空壇在遠山胎息存思當黑處井

華懸綆取朝閒敞廬道室雖鄰近自樂冬陽炙

背閑

賀龐少尹除太常少卿

太白山人一作前終日見十旬假滿擬秋尋中峯絕

頂非無路北闕除書阻入林朝謁此時閑野展

宿齋何處正鳴砧省中石磴陪隨步唯賞煙霞



不厭深

非禁上邠寧邢司徒

箭頭破枯一作帖渾無敵杖底敲球遠有聲馬走千

蹄朝萬乘地分三郡擁雙旌春風欲盡山花發

曉角初吹客夢驚不是邢公來鎮此長安西北

未能行

欲遊嵩岳留別李少尹益一本無益字

孤策遲迴洛水湄孤禽嘹唳幸人知嵩岳望中

常待我河梁欲上未題詩新秋愛月愁多兩古

觀逢山看盡棋微眇此來將敢問鳳皇何日定

歸池

病鶻吟

俊鳥還投高處棲騰身戛戛下雲梯有時透露

一作霧凌空去無事隨風入草迷迥疾月邊捎玉兔

遲迴日裏拂金雞不緣毛羽遭零落焉肯雄心

向爾低

贈僧

從來多是遊山水省泊禪舟月下濤初過石橋

年尚少久辭天柱臘應高青松帶雪懸銅錫白

髮如霜落鐵刀常恐畫工懸一作援筆寫身長七尺



有眉毫

贈翰林

清重無一作可過知內制從前禮絕外庭人看花在  
處多隨駕召宴無時不及身馬自賜來騎覺穩  
詩緣見徹語長新應憐獨向名場苦曾十餘年  
浪過春

頌德上賈常侍

邊臣說使朝天子發語轟然激夏雷高節羽書  
期獨傳分符絳郡滯長才啁啾鳥恐鷹鷂起流  
散人歸父母來自顧此身無所立恭談祖德采

頤開

田將軍書院

滿庭花木半新栽石自平湖遠岸來筍迸鄰家  
還長竹地經山雨幾層落井當深夜泉微上閣  
入高秋戶盡開行背曲江誰到此琴書鑲著未  
朝迴

投龐少尹

閉戶息機搔白首中庭一樹有清陰年年不改  
風塵趣日日轉多泉石心病起望山臺上立覺  
來聽雨燭前吟龐公相識元和歲眷分依依直



至今雨歇前令謂公休端示叶煎養分  
風聲鼓夏夜登南樓  
水岸寒一作開樓帶月躋夏林初見岳陽溪一點新  
螢報秋信不知何處一作樹是菩提

題青龍寺

碣石山人一軸詩終南山北數人知擬看青龍  
寺裏月待無一點夜雲時  
營當萬勝岡頭下誓立千年不朽功天子手擎  
新鉞斧諫官請贈李文通

贈李文通

題號州三堂贈一本無贈字吳郎中

無窮草樹昔誰栽新起臨湖白石臺半岸泥沙  
孤鶴立玉堂風雨四門開荷翻圓露驚秋近柳  
轉斜陽過水來昨夜北樓堪朗詠號城初鏤月  
徘徊

送僧

池上時時松雪落焚香煙起見孤燈靜夜憶誰  
來對坐曲江南岸寺中僧

三月晦日贈劉評事

三月正當三十日風光別我苦吟身共君今夜



不須睡未到曉鐘猶是春

送張道者

新歲抱琴何處去洛陽三十六峯西生來未識  
山人面不得一聽烏夜啼

題魚尊師院

老子堂前花萬樹先生曾見幾迴春夜煎白石  
平明喫不擬教人哭此身

宿村一作杜家亭子

牀頭枕是溪中石井底泉通竹下池宿客未眠  
過夜半獨聞山雨到來時

送稱上人

歸蜀擬從巫峽過何時得入舊房禪寺中來後  
誰身化起塔栽松向野田

楊祕書新居

城角新居鄰靜寺時從新閣上經樓南山泉入  
宮中去先向詩人門外流

聽樂山人彈易水

朱絲絃底燕泉急燕將雲孫白日彈嬴氏歸山  
陵已掘聲聲猶帶髮衝冠

經蘇秦墓



砂埋古篆折碑文六國興亡事繫一作計君今日淒涼無處說亂山秋盡有寒雲

題戴勝

星點花冠道士衣紫陽宮女化身飛能傳上界春消息若到蓬山莫放歸

題隱者居

雖有柴門長不關片雲孤木伴身閑猶嫌住久人知處見擬移家更上山

哭孟東野

蘭無香氣鶴無聲哭盡秋天月不明自從東野

先生死側近雲山得散行

過京索先生墳

京索先生二尺墳秋風漠漠吐寒雲從來有恨君多哭今日何人更哭君

客思

促織聲尖尖似鍼更深刺著旅人心獨言獨語月明裏驚覺眠童與宿禽

鹽池院觀鹿

條峯五老勢相連此鹿來從若箇邊別有野麋人不見一生長飲白雲泉



人不補遺

黃鵠下太液池

高飛空外鵠下向禁中池岸印行蹤淺波搖立  
影危來從千里島舞拂萬年枝踉蹌孤風起徘徊  
水沫移幽音清露滴野性白雲隨太液無彈  
射靈禽翅不垂

送道者

獨向山中見今朝又別離一心無挂住萬里獨  
何之到處絕煙火逢人話古時此行無弟子白  
犬自相隨

送人南歸

分手向天涯迢迢泛海波雖然南地遠見說北  
人多山暖花常發秋深鴈不過炎方饒勝事此  
去莫蹉跎

送人南遊

此別天涯遠孤舟泛海中夜行常認火帆去每  
因風蠻國人多富炎方語不同鴈飛難度嶺書  
信若爲通

下第別人

下第鬢毛蒼徘徊懸帝鄉鶯聲寒食後人醉曲



江傍淚落故山遠病來春草長知音豈易別孤  
棹復三湘

蚤行

蚤起赴前程鄰雞尚未鳴主人燈下別羸馬暗  
中行踏石新霜滑穿林宿鳥驚遠山鍾動後曙  
色漸分明

老將

膽壯亂鬚白金瘡蠹百骸旌旗猶入夢歌舞不  
開懷鷺雀來鷹架塵埃滿箭韋自誇勲業重開  
府是官階

題鄭常侍廳前竹

綠竹臨詩酒嬋娟思不窮亂枝低積雪繁葉亞  
寒風蕭颯疑泉過縈迴有逕通侵庭根出土隔  
壁笋成叢踈影紗窓外清音寶瑟中卷簾終日  
看欹枕幾秋同萬頃歌王子千竿伴阮公露光  
憐片片雨潤愛濛濛嶰谷蠻湖北湘川瀟水東  
何如軒檻側蒼翠裏長空

蓮峯歌

錦礫潺湲玉溪水曉來微雨藤花紫冉冉山雞  
紅尾長一聲樵斧驚飛起松刺梳空石差一作齒



煙香一作空風軟人參葉陽崖一夢伴雲根仙菌靈  
芝夢魂裏

賈浪仙長江集卷第十

唐故魯州司倉叅軍賈公墓銘

鄉貢進士蘇絳撰

公諱島字浪仙范陽人也其先自周康王封少  
子建侯於賈因而氏焉諠則漢太傅演則晉尚  
書由是而徽裔流遠矣祖宗官爵頗未研詳高  
曾不仕公長材間氣超卓挺生六經百氏無不  
該覽妙之尤者屬思五言孤絕之句記在人口  
穿楊未中遽罷飛謗解褐責授遂州長江縣主  
簿三年在任卷不釋手秩滿遷晉州司倉叅軍  
諸侯待以賓禮性和茂未嘗評人之是非况不



煙香一作空風軟人參葉陽崖一夢伴雲根仙苗靈  
芝夢魂裏一作木

賈浪仙長江集卷第十

唐故普州司倉叅軍賈公墓銘

鄉貢進士蘇絳撰

公諱島字浪仙范陽人也其先自周康王封少  
子建侯於賈因而氏焉諠則漢太傅演則晉尚  
書由是而徽裔流遠矣祖宗官爵頗未研詳高  
曾不仕公長材間氣超卓挺生六經百氏無不  
該覽妙之尤者屬思五言孤絕之句記在人口  
穿楊未中遽罹飛謗解褐責授遂州長江縣主  
簿三年在任卷不釋手秩滿遷普州司倉叅軍  
諸侯待以賓禮性和茂未嘗評人之是非况不



食葷血。風骨自清。念持金偈。真搜至理。悟浮幻  
之莫實。信無生之苦求。智矣哉。又善攻筆法。得  
鍾張之奧。所著文篇。不以清新綺靡為意。澹然  
躡陶謝之蹤。片雲獨鶴。高步物表。長沙裁賦。事  
略同焉。攸望遭遇時求。紫泥必降。優游華省。翔  
泳清途。噫。脩短定期。數豈能越。會昌癸亥歲七  
月二十八日。終於郡官舍。春秋六十有五。嗚呼  
殆未浹旬。又轉授普州司戶叅軍。榮命雖來。於  
我何有。痛而無子。夫人劉氏。承公遺旨。粵以明  
年甲子三月十七日。庚子擇安岳縣移風鄉南

崗權安禮也。憲陵谷遷變。刊石紀時。以絳恭公  
知者。見命為誌。詞愧無文。銘曰

猗歟賈公。天縱奇文。名高位下。鶴不在雲。早振  
聲光。高步出群。今則已矣。馨若蘭薰。

唐宣宗賜浪仙墨制

勅比者。禮部奏。卿風狂遂直。令關外將息。今却  
携卷軸。潛至京城。遇朕微行。聞卿諷咏。覩其志  
業。可謂屈人。是用顯我特恩。賜爾墨制。宜從短  
簿。別俟殊科。可守劔南道。遂州長江縣主簿。仍  
便賫勅。乘驛赴官。所管藩侯。放上聞。



大中八年九月七日

右大中墨制九十四字舊刻石祠堂中唐書作  
傳云文宗時坐飛謗貶長江主簿會昌初以普  
州司倉遷司戶叅軍墓誌亦記罹飛謗解褐貴  
授長江簿會昌癸亥終於普州官舍蘇絳當時  
人誌必不差據言載武宗時謫去尤非也然則  
大中恐是大和字今不敢輒改以俟知者辯之  
王遠謹跋

聖宋新修唐書浪仙傳

島字浪仙范陽人初為淳魯名無本來東都時  
洛陽令禁僧午後不得出島為詩自傷愈憐之  
因教其為文遂去淳魯舉進士當其苦吟雖逢  
值公卿貴人皆不知覺也一日見京兆尹跨驢  
不避尹諱詰之久乃得釋累舉不中第文宗時  
坐飛謗貶長江主簿會昌初以普州司倉遷司  
戶叅軍

唐韓文公送無本師歸范陽詩

無本於為文身大不及瞻吾嘗示之難勇往無



不敢蛟龍弄角牙造次欲手攬衆鬼囚大幽下  
覷襲玄宮天陽熙四海注視首不鎮鯨鵬相摩  
宰兩舉快一噉夫豈能必然固已謝照騫狂詞  
肆滂葩依昂見舒恹姦窮怪變得往造平澹  
風蟬碎錦纈綠池披萋萋芝英擢荒蕪孤翮起  
連茨家住幽都遠未識氣先感來尋吾何能無  
殊嗜昌歆始見洛陽春桃枝綴紅糝遂來長安  
里時卦轉習坎老嬾無鬪心又不事鉅槩欲以  
金帛酬舉空常願領念當委我去雪霜刻以懣  
猗颯摺空衢天地與頓撼勉卒吐歌詩懣之別

後覽

題浪仙讚

惟可與島交情合道吟水望月不知其老島可  
與清句詩精流行此集四時代成世不得失  
人不得平大哉浪仙雲山是營

又

長河流 岸葬久 太行前 少室後



後序

浪仙以詩名世傑出於正元元和文章極盛之後孟郊死為之哭不已其詩與郊分鏡並馳峭直刻深羈情客思春愁秋怨讀之令人愛其工憐其志如聽燕趙之悲歌蛾眉之曼聲秦楚之哭荆山之泣也大抵士之不過阨窮罹謗鬱頓挫身可擯而志不可奪勢可壓而氣不可屈及其發也有至於怒髮裂眦而不可掩者故行吟澤畔仰天嗚嗚欲其為和鸞佩旗之音不可得也予每讀二子之詩而悲之又嘗見韓吏部

所贈之篇極道其騫涉滄範低昂舒慘引而發之將以取信於天下後世譬之鴻鵠羽翼既成必假天風始致千里東野與吏部聯句之作間見層出物迎縷解欲罷不能人無異論浪仙携新文詣韓公途中云袖有新詩成欲見張韓老青竹未生翼一步萬里道安得西北風身願變蓬草然則士有未効之用身在無譽之間非附青雲之士何以成名哉二子所以拳拳於韓門而不去韓公亦以樂得天下英材與之周旋而不倦也此又不可不知也浪仙范陽人數千里



貶官佐邑於此遷普州司倉叅軍以卒猶目其  
平生詩曰長江集蓋仲卿之志在於桐鄉意其  
千秋百世之後精爽靈遊常在乎明月之山凡  
山之湄也邑有祠堂典刑依然前主簿北幽游  
君虞臣好古工書採他山之石為十五碑盡書  
其三百七十九篇未訖工而去予倦游就養子  
舍適縣尹嘉祥衛君京督成其事因以舊傳墨  
制及蘓絳所撰墓志銘唐書本傳與韓公送行  
詩併刻之本末備具可為無窮之傳以後序見  
囑復取僕初到縣謁君祠堂之詩繼之將俟知

者一觀焉紹興二年壬子歲閏四月辛卯朔朝  
議大夫提舉江州太平觀平陽王遠序

陶世濟

崇禎乙亥歲五月觀



丁亥冬岷山人借抄

此冊真純吟老人所點流轉入  
郡中一人手沈生頴谷知余慕  
從老人議論用白金二十銖購  
以見贈書後諸名氏孫江字岷  
自錢孫保字求亦陶也濟字子  
齊皆有文而與老人善孫錢名  
載邑志陶事詳老人先孺守居  
士所著懷舊集中云

康熙癸巳秋  
後生何焯書



題賈長江詩集後 甲午

長江詩雖不合雅奏然尚有古言讀之可以矯黷媚綺  
靡之習明海虞馮銑必有評本長沙何義門曰之稱善  
其字句蓋遠出俗本之上如云十年磨一劍霜刃未曾  
試今日把似君誰為不平事今本似誰有不平事鈍  
吟云誰為不平便須教却此方見俠烈之概若似誰  
有不平與人相讎直賣身奴身一字之異高下懸殊  
舊本之可貴類若是余以其奉用怡字之今後生且知  
讀古之法必如此研校而後古人用意之精乃也  
再題賈長江詩集後 丁酉



始余賈長江集乃馮定遠本錄之篋中余於賈詩素不  
嗜特以其近古矣目繼又得何義門所評校始悟其  
用意之深哉於無一字閒設昔人以瘦良評夫瘦豈易  
哉也彼攪腫踰跚者正苦不能瘦耳賈以瘦故能  
一家格於此決非館閣之所尚也惟而與山林中人共賞  
義門強於此有深者者歎字、梳櫛、句、纖綜、  
而長江之詩之美不見於彼不者者猶夫故也余以為  
有必義門者為則能自領之已故其所等疏今之不能  
詳錄、其尤至到者其補遺訪數章之出何本并  
為補入如右

跋語二則錄自盧紹弓抄經卷





始余賈長江集乃馮定遠本錄之篋中余於賈詩素不  
善詩其近古者又不可裁以不平反信其

題賈長江詩集後 甲午

長江詩雖不合雅秦然尚有古意讀之可以矯熟媚綺靡之習明海虞  
馮鈍吟有評本長洲何義門得之稱善其字句蓋遠出俗本之上  
如云十年磨一劍霜刃未曾試今日把似君誰為不平事今本作  
誰有不平事鈍吟云誰為不平便須殺却此方見俠烈之概若  
作誰有不平與人報讎直賈身奴耳一字之異高下懸殊舊本之可  
貴類若是余得本因臨寫之令後生知讀書之法必如此研校而  
後古人用意之精可得也

再題賈長江詩集後 丁酉

始余得賈長江集乃馮定遠本錄之篋中余於賈詩素不嗜  
特似其近古貴之耳繼又得何義門所評校始悟其用意之深  
幾於無一字閒設昔人以瘦評畫夫瘦豈易致也彼臃腫滿跗者正  
苦不能瘦耳賈以瘦故能成一家格然此法非館閣中之所尚也  
惟可與山林中人共賞之義門殆於此有深嗜者歟字之梳櫛之  
句之織綜之而長江之詩之美乃見然彼不嗜者猶夫故也余以為有  
如義門者焉則能自領之已故其所箋疏今亦不能詳錄其尤至  
到者其補遺詩數章亦出何本并為補入如右

改語兩則錄自盧紹弓抱經堂文集卷十三



